

জাতীয়

সম্মিলিত প্রচেষ্টায় কল্যাণমুখী রাষ্ট্র নির্মাণ সম্ভব: মির্জা ফখরুল

প্রতিবেদক: নিজস্ব প্রতিবেদক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



মির্জা ফখরুল ফাইল ছবি

একটি সুখী, সমৃদ্ধ ও কল্যাণমুখী বাংলাদেশ গড়ে তুলতে সম্মিলিত প্রচেষ্টার ওপর গুরুত্বারোপ করেছেন বিএনপির মহাসচিব মির্জা ফখরুল ইসলাম আলমগীর। তিনি বলেছেন, এমন একটি বাংলাদেশ গড়ে তুলতে হবে, যেখানে প্রান্তিক ও শ্রমজীবী মানুষ নিরাপদে জীবনযাপন করতে পারবেন, তরুণ প্রজন্মের জন্য কর্মসংস্থানের সুযোগ সৃষ্টি হবে এবং নারীরা আত্মকর্মসংস্থানের সুযোগ পাবেন।

এক প্রতিক্রিয়ায় মির্জা ফখরুল বলেন, "আমি এমন একটি বাংলাদেশের স্বপ্ন দেখি, যা হবে সুখী, সমৃদ্ধ ও জনকল্যাণমুখী।"

তিনি বলেন, বাংলাদেশ বিশ্বের বুকে একটি আত্মমর্যাদাশীল দেশ হিসেবে প্রতিষ্ঠিত হবে। এ জন্য দেশের সব শ্রেণি-পেশার মানুষের সম্মিলিত প্রচেষ্টায় একটি কল্যাণমুখী রাষ্ট্র নির্মাণ সম্ভব।

দেশবাসীর প্রতি কৃতজ্ঞতা জানিয়ে মির্জা ফখরুল বলেন, মানুষের অধিকার আদায়ের দীর্ঘ সংগ্রামে তাদের পাশে থাকার সুযোগ পাওয়া অত্যন্ত অর্থবহ। তিনি দলের নেতৃত্ব, গণমাধ্যমকর্মী এবং সর্বস্তরের মানুষের প্রতি ধন্যবাদ ও কৃতজ্ঞতা প্রকাশ করেন। একই সঙ্গে দেশবাসীর কাছে দোয়া প্রার্থনা করেন।

নিজের রাজনৈতিক জীবনের স্মৃতিচারণ করতে গিয়ে সাবেক প্রধানমন্ত্রী বেগম খালেদা জিয়ার অবদানের কথা আবেগভরে স্মরণ করেন মির্জা ফখরুল। তিনি বলেন, রাজনৈতিক জীবনের দীর্ঘ পথচলায় খালেদা জিয়ার কাছ থেকে তিনি গুরুত্বপূর্ণ দিকনির্দেশনা পেয়েছেন।

ছাত্র রাজনীতি দিয়ে শুরু হওয়া তার রাজনৈতিক জীবনের বিভিন্ন পর্যায় এবং জাতীয় রাজনীতিতে দায়িত্ব পালনের অভিজ্ঞতার কথাও বক্তব্যে তুলে ধরেন তিনি।

এ বিভাগের আরও খবর



ফেনীতে প্রধানমন্ত্রীর সফর স্থগিত
প্রধানমন্ত্রী তারেক রহমানের আগামী ১৭ সেপ্টেম্বর ফেনী সফর স্থগিত করা হয়েছে। অক্টোবরের প্রথম সপ্তাহে প্রধানমন্ত্রী ফেনী সফর করবেন বলে জানিয়েছে...



নতুন গ্যাসক্ষেত্র অনুসন্ধান শেভরনকে বিনিয়োগের আহ্বান প্রধানমন্ত্রীর
দেশের জ্বালানি নিরাপত্তা জোরদার ও ক্রমবর্ধমান চাহিদা মেটাতে যুক্তরাষ্ট্রভিত্তিক আন্তর্জাতিক জ্বালানি কোম্পানি শেভরনকে আরও বেশি বিনিয়োগের আহ...



পাকিস্তানের সঙ্গে ব্যবসা-বাণিজ্য ও শিক্ষা সহযোগিতা বাড়ানোর আহ্বান রাষ্ট্রপতির
পাকিস্তানের সঙ্গে ব্যবসা-বাণিজ্য ও বিনিয়োগ, বিমান যোগাযোগ, শিক্ষা ও প্রশিক্ষণসহ পারস্পরিক স্বার্থসংশ্লিষ্ট বিভিন্ন ক্ষেত্রে
সহযোগিতা আরও জোর...



ফ্যাসিস্টরা গত ১৮ বছরে বিদ্যুৎ ও গ্যাস খাতকে ধ্বংস করেছে: ধর্মমন্ত্রী
ধর্মমন্ত্রী কাজী শাহ মোফাজ্জাল হোসাইন কায়কোবাদ বলেছেন, বিগত ১৮ বছরে বিদ্যুৎ ও গ্যাস খাতকে ধ্বংস করা হয়েছে। তিনি
বলেন, [এই ধ্বংসাত্মক থেকে বি...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/smmilit-prcheshtay-kljanmukhi-rashtr-nirman-smbhb-mirja-fkhrul>